

13 апреля 2020 года

Страстная седмица

ВЕЛИКИЙ ПОНЕДЕЛЬНИК

**Последование малого повечерия с трипеснцем
для домашнего (келейного) совершения**

Моли́твами святы́х оте́ц на́ших, Го́споди Иису́се Христэ́, Бо́же наш, помѝлуй нас. **Ами́нь.**

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше и́стины, И́же везде́ сый и вся исполня́яй, Сокро́вище благи́х и жи́зни Пода́телю, прииди́ и всели́ся в ны, и очисти́ ны от вся́кия скве́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный, помѝлуй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прѝсно, и во ве́ки веко́в. Ами́нь.

Пресвята́я Трѝце, помѝлуй нас: Го́споди, очисти́ грехи́ на́ша; Влады́ко, прости́ беззакѝния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, помѝлуй. Трижды.

Сла́ва, и ны́не:

О́тче наш, И́же еси́ на Небесе́х, да святи́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникѝм на́шим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Го́споди, помѝлуй, 12.

Сла́ва, и ны́не:

Прииди́те, поклонѝмся Цареви нашему Богу.

Прииди́те, поклонѝмся Христу́, Царе́ви на́шему, Бо́гу.

Прииди́те, поклонѝмся и припадѝм Само́му Христу́, Царе́ви и Бо́гу на́шему.

Псалом 50

Помилуй мя, Бóже, по велицей мýлости Твоей, и по мнóжеству щедрóт Твоих очисти беззакóние моё. Наипáче омый мя от беззакóния моего, и от грехá моего очисти мя; я́ко беззакóние моё аз зная, и грех мой предо мною́ есть вýну. Тебё Единому согреших и лукавое пред Тобóю сотворих, я́ко да оправди́шия во словесéх Твоих, и победиши внегда судити Ти. Се бо, в беззакóнных зачат есмь, и во гресéх роди́ мя ма́ти моя. Се бо, и́стину возлюбил еси́; безвёстная и та́йная премýдрости Твоея́ явил ми еси́. Окропи́ши мя иссо́пом, и очи́шуся; омýеши мя, и па́че снёга убелю́ся. Слýху моему́ да́си ра́дость и весéлие; возра́дуются ко́сти смире́нныя. Отврати́ лице́ Твое́ от грех моих и вся беззакóния моя́ очисти. Сёрдце чи́сто сози́жди во мне, Бóже, и дух прав обнови́ во утробе моей. Не отве́ржи мене́ от лица́ Твоего́ и Ду́ха Твоего́ Свята́го не отыми́ от Мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззакóнныя путе́м Твоим, и нечестíвии к Тебе́ обратят́ся. Избáви мя от крове́й, Бóже, Бóже спасе́ния моего́; возра́дуется язы́к мой правде́ Твоей. Го́споди, устне́ мои́ отве́рзеши, и уста́ моя́ возвестя́т хвалу́ Твою́. Я́ко а́ще бы восхотёл еси́ жёртвы, дал бых у́бо: всесо́жжения не благоволи́ши. Жёртва Бо́гу дух сокруше́н; сёрдце сокруше́нно и смире́нно Бог не уничи́жит. Ублажи́, Го́споди, благоволе́нием Твоим Сио́на, и да сози́ждутся стёны Иерусали́мския. Тогда́ благоволи́ши жёртву правды, возноше́ние и всесо́жегаемая; тогда́ возложáт на олта́рь Твой тельцы́.

Псалом 69

Бóже, в по́мощь мою́ вонми́, Го́споди, помо́щи ми потщи́ся. Да посты́дятся и посра́мятся и́щущии ду́шу мою́, да возвратят́ся вспя́ть и посты́дятся хотя́щии ми злая́. Да возвратят́ся а́бие стыдя́щиеся глаго́лющии ми: благо́же, благо́же. Да возра́дуются и возвеселя́тся о Тебе́ вси и́щущии Тебе́, Бóже, и да глаго́лют вýну, да возвели́чится Госпо́дь, лю́бящии спасе́ние Твое́: аз же нищ есмь и убо́г, Бóже, помози́ ми: Помо́шник мой и Избáвитель мой еси́ Ты, Го́споди, не зако́снй.

Псалом 142

Го́споди, услы́ши моли́тву мою́, внуши́ моле́ние моё во и́стине Твоей, услы́ши мя в правде́ Твоей и не вни́ди в суд с рабо́м Твоим, я́ко не оправди́тся пред Тобóю всяк живы́й. Я́ко погна́ враг ду́шу мою́, смири́л есть в зéмлю живо́т мой, посади́л мя есть в те́мных, я́ко ме́ртвыя ве́ка. И уны́ во мне дух мой, во мне смяте́ся сёрдце моё. Помяну́х дни дре́вния, поучи́хся во всех де́лех Твоих, в творе́ниях руку́ Твоею́ поуча́хся. Возде́х к Тебе́ ру́це мои́, душа́ моя́, я́ко земля́ безводная Тебе́. Ско́ро услы́ши мя, Го́споди, исче́зэ дух

мой, не отврати́ лица́ Твоего́ от Мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибе́гох. Научи́ мя твори́ти во́лю Твою́, я́ко Ты еси́ Бог мой. Ду́х Твой Благі́й наста́вит мя на зе́млю пра́ву. Ё́мене Твоего́ ра́ди, Го́споди, живи́ши мя, пра́вдою Твое́ю изведе́ши от печа́ли ду́шу мою́. И ми́лостью Твое́ю потреби́ши враги́ моя́ и погуби́ши вся стужа́ющыя ду́ши моёй, я́ко аз раб Твой есмь.

Великое славословие

Сла́ва в вы́шних Бо́гу, и на землі́ мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодарі́м Тя, вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержи́телю, Го́споди Сы́не Единоро́дный, Иису́се Христэ́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, взе́мляй грех ми́ра, поми́луй нас. Взе́мляй грехи́ ми́ра, приими́ моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христо́с, в сла́ву Бо́га Отца́, ами́нь.

На вся́ку но́щь благословлю́ Тя и восхваля́ю і́мя Твое́ во ве́ки, и в век ве́ка.

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живота́, во све́те Твое́м у́зрим свет. Проба́ви ми́лость Твою́ ве́дущим Тя.

Сподо́би Го́споди, в но́щь сию́ без греха́ сохра́нѣтися нам. Благословѣ́н еси́ Го́споди Бо́же оте́ц на́ших, и хва́льно и просла́влено і́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благословѣ́н еси́, Го́споди, научи́ мя оправда́нием Твои́м. Благословѣ́н еси́, Влады́ко, вразуми́ мя оправда́нием Твои́м. Благословѣ́н еси́, Святы́й, просвети́ мя оправда́нии Твои́ми.

Го́споди, ми́лость Твоя́ во век, дел руку́ Твое́ю не прѣзри: Тебе́ подоба́ет хвала́, Тебе́ подоба́ет пе́ние, Тебе́ сла́ва подоба́ет, Отцу́, и Сы́ну, и Свято́му Ду́ху, ны́не и прѣ́сно, и во ве́ки веко́в. Ами́нь.

Ве́рую во еди́наго Бо́га Отца́ Вседержи́теля, Творца́ не́бу и землі́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, Ё́же от Отца́ рождѣ́ннаго прѣ́жде всех век. Све́та от Све́та, Бо́га і́стинна от Бо́га і́стинна, рождѣ́нна, несотворѣ́нна, единосу́щна Отцу́, Ё́мже вся бы́ша. Нас ра́ди челове́к и на́шего ра́ди спасѣ́ния сше́дшаго с небе́с и воплоти́вшагося от Ду́ха Свя́та и Мари́и Де́вы и вочелове́чшася. Распя́таго же за ны при Понти́йстем Пила́те, и страда́вша, и погребѣ́нна. И

воскрéсшаго в трéтий день по Писáнием. И возшédшаго на Небесá, и седяща одеснóу Отцá. И пáки грядúщаго со слáвою судíти живýм и мёртвым, Егóже Цáрствию не бúдет концá. И в Дúха Святáго, Гóспода, Животворящаго, Ёже от Отцá исходящаго, Ёже со Отцém и Сы́ном спокланя́ема и сславима, глаго́лавшаго проро́ки. Во еди́ну Святу́ю, Собóрную и Апóстольскую Цérковь. Исповéдую еди́но крещéние во оставлéние грехóв. Чаю воскрeсéния мёртвых, и жízни бúдущаго вéка. Амíнь.

Трипеснец,
творение господина Андрея Критского. Глас 8.

Песнь 2

Ирмós: Вонмí, Нéбо, и возглаго́лю и воспою Христá, от Дéвы рóждшагося во спасéние нáше.

Слáва Тебé, Бóже наш, слáва Тебé.

Пóйдем со Христóм к горé Елеóнстей, тайно со апóстолы соводворíмся Емý.

Слáва Тебé, Бóже наш, слáва Тебé.

Разумéй смирénное моé сéрдце, чтó есть жернóвная прítча, о нéйже прéжде речé Христós, и истрéзвiся прóчее.

Слáва Тебé, Бóже наш, слáва Тебé.

Готóви сама себé, о душé моя, ко исхóду: пришéствие приближáется неумолíмага Судий.

Пресвятáя Богорóдице, спасí нас.

Пречíстая Богорóдице Дéво, Еди́на Всепéтая, Сы́на Твоегó моли́ о рабéх Твои́х.

Ин ирмós, глас тóйже: Вíдите, вíдите, я́ко Аз есмь Бог, дрéвле Изра́иля сквозé Чермнóе мóре провэдый, и пита́вый, и спасíй, и от гóрькия рабóты свободíвый фараóновы.

Слáва Тебé, Бóже наш, слáва Тебé.

Вíдите, вíдите, я́ко Аз есмь Бог, Ёже прéжде бы́тия всех и прéжде сотворéния землi и Нéба, вем вся: и весь Сый во Отцé, и всегó ношу в Себé.

Слáва Тебé, Бóже наш, слáва Тебé.

Сло́вом соста́вих небо вку́пе и зе́млю: со Отце́м бо бех и сло́вом ношу вся, я́ко Сло́во, Му́дрость и Си́ла, и О́браз, и Содействíteлен, и Равноде́телен.

Сла́ва Тебе́, Бо́же наш, сла́ва Тебе́.

Кто́ времена́ положи́? Кто́ ве́ки соблюда́й? Кто́ вся определя́й и совоздвига́й? Ра́зве Безнача́льный, при́сно сый со Отце́м, я́коже заря́ во све́те.

Сла́ва Тебе́, Бо́же наш, сла́ва Тебе́.

О безме́рнаго Твоего́ Человеколю́бия, Иису́се! сказа́л бо еси́ нам сконча́ния свы́ше вре́мя, скрыв час, уясни́в же све́тло образы его́.

Сла́ва Тебе́, Бо́же наш, сла́ва Тебе́.

Вся ве́си, вся зна́еши, Иису́се, я́ко имéяй все в Себе́ Оте́ческое досто́яние, Божéственне, и всего́ Ду́ха всаждéна нося́й в Себе́, Соприсносу́щнаго Отцу́.

Сла́ва Тебе́, Бо́же наш, сла́ва Тебе́.

Влады́ко Го́споди, веко́в Тво́рче, сподо́би и нас священны́й о́ный тогда́ глас услы́шати, зовущий избранны́й Отца́ в Ца́рство Небе́сное.

Сла́ва Отцу́, и Сы́ну, и Свято́му Ду́ху.

Тро́ицен: Безнача́льная, Несозда́нная Тро́ице, Неразде́льная Еди́нице, Тро́е Су́щая и Еди́но, О́тче, Сы́не и Ду́ше, Еди́ный Бо́же, приими́ пéние от брénных язы́к, я́коже от уст пла́менных.

И ны́не и при́сно, и во ве́ки веко́в. **Ами́нь.**

Богоро́дичен: Селéние Свято́е яви́лася еси́ Де́во Бо́жие: в Тя бо Небе́сный Царь, всели́вся плóтию, прóйде красный, челове́ка в Себе́ вообрази́в Божéственне.

Ирмо́с: Вíдите, вíдите, я́ко Аз есмь Бог, дрéвле Изра́иля сквозé Чермное мо́ре проведýй, и пита́вый, и спасýй, и от го́рькия рабо́ты свободýвый фарао́новы.

Го́споди, помýлуй. **Трижды.**

Сла́ва, и ны́не:

Седáлен, глас 2:

Милосéрдием двíжим, Христé, во́лею преды́деши страда́ти, Благоде́телю, хотя́й страсте́й нас изба́вити и е́же во áде осужде́ния,

тёмже честная Твоя воспеваем страдания и славим, Спасе, крайнее Твое вси схождение.

Песнь 8

Ирмос: Ангели и Небеса, на престоле славы Седящего и яко Бога непрестанно славимаго благословите, пойте и превозносите Его во веки.

Слава Тебе, Боже наш, слава Тебе.

Всяко слышала еси, душе, како Христос Божественным учеником Своим провозглашал, глаголя скончание: разумевши же твой конец, уготовися прочее, время исхода прииде.

Слава Тебе, Боже наш, слава Тебе.

Познала еси, неплодная душе, лукаваго раба притчу, бойся и не небрезги о даровании, егже прияла еси, да не сокрыеши в землю, но да куплю деши.

Слава Тебе, Боже наш, слава Тебе.

Да уяснится свещи, да преизлиется сея и елей, якоже девам тогда сострадание, да обрящеши, душе моя, чертог Христов тогда отверстый.

Слава Тебе, Боже наш, слава Тебе.

В субботу бегство и в зиме, глаголя учитель, седмаго бурю предгадательствует настоящего века, в немже найдет, яко зима, кончина.

Слава Тебе, Боже наш, слава Тебе.

Яко скорость молнии преходящая, тако тогда будет Страшное оное Владыки твоего пришествие, душе моя: слышала еси, готова прочее быти потщися.

Слава Тебе, Боже наш, слава Тебе.

Егда приидет Судия с тысящами и тмами ангельских чинов и сил: тогда кий страх, душе моя, кий трепет, увя мне, нагим стоящим всем?

Благословим Отца, и Сына, и Святаго Духа, Господа.

Един Бог убо Троица, ни Отцу изступившу в сыновство, ниже Сыну переменившуся во исхождение, но свойственная, и Обоё Свет, Бога, Три славлю во веки.

И ныне, и присно, и во веки веков. Аминь.

Молитвами, Боже, Богородицы, прими молитву нашу, вознизпосли же милости Твоя на вся богато и мир Твой подаждь людям Твоим.

Хвалим, благословім, покланяємся Гóсподеви, поюще и превозносяще во вся вéки.

Ирмós: **А**нгели и Небесá, на престóле слáвы Седящаго и я́ко Бóга непрестáнно слáвимаго благословите, пойте и превозносите Егó во вéки.

Песнь 9

Ирмós: Проявлénное на горé законополо́жнику во огни́ и купинé рождество́ Присноде́вы, в на́ше вёрных спасéние, пёсньми немóлчными велича́ем.

Сла́ва Тебе́, Бо́же наш, сла́ва Тебе́.

Слышала еси́, душе́ моя́, Судии́ предвозглаша́ющу и уча́щу тя вре́мени кончи́ны: гото́ви я́же на исхо́д де́ла, да не я́ко неиску́сна Бóга отве́ржена бу́деши.

Сла́ва Тебе́, Бо́же наш, сла́ва Тебе́.

От смоко́вницы, о душе́ моя́, научи́ся кончи́ны: егда́ мла́до бу́дет ли́ствие и прозя́бнет ве́твие, жа́твы час прóчее: и ты егда́ сия́ уви́диши, разуме́й, я́ко при двéрех есть.

Сла́ва Тебе́, Бо́же наш, сла́ва Тебе́.

Кто́ ра́зве Тебе́ ины́й Твоего́ знает Отца́? Или́ кто кромé Тебе́ весть час или́ день? у Тебе́ бо сокро́вища премúдрости вся́ внутри́ суть, Христé Бо́же.

Сла́ва Тебе́, Бо́же наш, сла́ва Тебе́.

Книги́ у́бо разгнóутся тогда́, престóлом поставлénным, де́яния же облича́тся, нагíм стоя́щим всем, ни свидéтелем, ни клеветникóм прису́тствующим: обна́жена́ бо вся́ Бóгу.

Сла́ва Тебе́, Бо́же наш, сла́ва Тебе́.

Грядéт всех Судия́, изведén бы́ти на суд, на престóле херувíмсте Седя́й, я́ко повíнный предста́ти Пилáту и вся́ пострада́ти, да спасéтся Адам.

Сла́ва Тебе́, Бо́же наш, сла́ва Тебе́.

Приблíжися Пáсха нам Вели́кая и Божéственная: по дво́ю бо днiю, преднаучáет Христóс, страда́ния пропису́я день, во́ньже Отцу́ Жéртва приведе́тся.

Сла́ва Тебе́, Бо́же наш, сла́ва Тебе́.

При Крестѣ Твоѣм, Спасе, предстоящи Мати и Твоѣ непра́ведное зря́щи заколе́ние, вопия́ше: увы́ Мне, чадо Моѣ! увы́ Мне, Незаходи́мый Све́те! Проси́й всем, Со́лнце сла́вы, Свет.

Сла́ва Отцу́, и Сы́ну, и Свято́му Ду́ху.

Тро́ицен: О Еди́нице Свята́я, Тро́ице, Еди́но Бо́жество и Тро́ица Еди́нице Бо́же, Триипоста́сное Есте́ство, Единоче́стная и Неразде́льная Сла́ва, изба́ви от бед ду́шы на́ша.

И ны́не и прѣсно, и во ве́ки веко́в. **Ами́нь.**

Богоро́дичен: Приими́ Матерь Твою́, Христѣ, в моли́тву, да моли́твами Ея́ умири́ши мир и це́ркви Твоя́ совокупи́ши во еди́но.

Ирмо́с: Проявле́нное на горе́ законополо́жнику во огни́ и купинѣ рождество́ Присноде́вы, в на́ше ве́рных спасѣние, пе́сньми немол́чными велича́ем.

Та́же:

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. **Ами́нь.**

Пресвята́я Тро́ице, поми́луй нас: Го́споди, очисти́ грехи́ на́ша; Влады́ко, прости́ беззаконі́я на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. **Трижды.**

Сла́ва, и ны́не:

О́тче наш, Иису́с еси́ на Небесе́х, да святѣ́тся и́мя Твое́, да при́дет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

[**Я́**ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Кондак, глас 2:

Час, душе́, конца́ помы́сливши и посече́ния смоко́вницы убо́явшись, да́нный тебе́ тала́нт трудолю́бно де́лай, ока́янная, бо́дрствующи и зову́щи: да не пребу́дем вне черто́га Христо́ва.

Го́споди, поми́луй. **40.**

Иже на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагодотробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединении веры и в разум неприступныя Твоея славы, яко благословен еси во веки веков, аминь.

Слава, и ныне:

Господи, помилуй. Трижды.

Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу, Тя величаем.

Молитвами святых отец наших, Господи Иисусе Христэ, Бже наш, помилуй нас. Аминь.

Молитва святого Ефрема Сирина:

Господи и Владыко живота моего, дух праздности, уныния, любоначалия, и празднословия не даждь ми. Земной поклон.

Дух же целомудрия, смиренномудрия, терпения, и любви, даруй ми рабу Твоему. Земной поклон.

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков, аминь. Земной поклон.

Также малых 12, глаголюще в себе на кийждо поклон: Бже, очисти мя грешнаго.

И паки: Господи и Владыко живота моего: всю до конца.

И поклон един великий.

Господи, помилуй. 12.

И молитва молебная ко Пресвятей Богородице:

Нескверная, Неблазная, Нетленная, Пречистая, Чистая Деве, Богоневесто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупляя: яже ненадежных единая Надежда, и боримых помощи, готовое заступление к Тебе притекающих, и всех христиан прибежище. Не гнушайся мене грешнаго, сквернаго, скверными помысли, и словеси, и деяньми всего себе непотребна сотворша, и разумом лености сладостей жития

раба́ бѣ́вша; но́ ꙗко́ человеколю́бѣваго́ Бо́га Ма́ти, человеколю́бне умилосе́рдися о́ мне грѣ́шнем и блу́днем, и приими́ моё, е́же от скве́рных усте́н приноси́мое Тебе́ моле́ние: и Твоего́ Сы́на, и на́шего Влады́ку и Го́спода, ма́тернее Твое́ дерзнове́ние употребле́юще, моли́, да отве́рзет и мне человеколю́бныя утробы́ Своея́ бла́гости, и презре́в моя́ безчи́сленная прегреше́ния, обрати́т мя к покая́нию, и Свои́х за́поведей де́лателя иску́сна яви́т мя. И предста́ни мне при́сно, ꙗко́ ми́лостивая, и милосе́рдая, и благолю́бѣвая, в настоя́щем у́бо жити́и те́плая Предста́тельница и Помо́щнице, сопроти́вных наше́ствия отгоня́юще, и ко спасе́нию наставля́юще мя: и во вре́мя исхо́да моего́ ока́янную мою́ ду́шу соблюда́юще, и те́мныя зра́ки лука́вых бесо́в далече́ от не́я отгоня́юще: в стра́шный же день суда́ ве́чныя мя избавля́юще му́ки, и неизрече́нныя сла́вы Твоего́ Сы́на и Бо́га на́шего насле́дника мя показу́юще. Ю́же и да улучу́, Влады́чице моя́, Пресвята́я Богоро́дице, Твои́м ходата́йством и заступле́нием, благода́тию и человеколю́бием Единоро́днаго Сы́на Твоего́, Го́спода и Бо́га и Спа́са на́шего Иису́са Христа́. Ему́же подоба́ет вся́кая сла́ва, честь и поклоне́ние, со Безнача́льным Его́ Отце́м, и Пресвяты́м, и Благо́м, и Животворя́щим Его́ Ду́хом, ны́не и при́сно, и во ве́ки веко́в, ами́нь.

**Молитва иная ко Господу нашему Иисусу Христу,
Антио́ха монаха Панде́кта:**

И даждь нам, Влады́ко, на сон гряду́щим поко́й те́ла и душо́й, и сохрани́ нас от мра́чнаго сна грехо́внаго, и от вся́каго те́мнаго и но́щнаго сладостра́стия: укроти́ стремле́ния страсте́й, угаси́ разжже́нныя стрéлы лука́ваго, ꙗ́же на ны льсти́вно двíжимыя: плóти на́шея воста́ния утоли́, и вся́кое земно́е и веще́ственное на́ше мудрова́ние успи́. И да́руй нам, Бо́же, бодр ум, целому́др по́мысл, се́рдце трезвя́щееся, сон легóк и вся́каго сатани́на мечта́ния измене́н. Возста́ви же нас во вре́мя моли́твы утвержде́ны в за́поведех Твои́х, и па́мять суде́б Твои́х в себѣ́ тве́рду иму́ща: всено́щное славосло́вие нам да́руй, во е́же пе́ти и благослови́ти и сла́вити пречестно́е и велико́лепое и́мя Твое́, Отца́, и Сы́на, и Свята́го Ду́ха, ны́не и при́сно, и во ве́ки веко́в, ами́нь.

Пресла́вная Присноде́во, Ма́ти Христа́ Бо́га, принеси́ на́шу моли́тву Сы́ну Твоему́ и Бо́гу на́шему, да спасе́т Тобо́ю ду́ши на́ша.

Молитва иная святаго Иоанникия:

Упова́ние моё́ Оте́ц, прибе́жище моё́ Сын, покрóв мой Дух Святы́й, Трои́це Свята́я, сла́ва Тебе́.

Сла́ва, и ны́не:

Го́споди, поми́луй. Трижды. Благослови́.

Отпуст

Христэ, ѣстинный Бóже наш, молѣтвами Пречѣстѣя Твоеѣ Матере, преподóбных и богонóсных отѣц нáших и всех святѣх, помѣлуй и спасѣ нас, ѣко Благ и Человеколюбец. Аминь.

И просим друг у друга прощения

И молитва:

Ненавѣдящих и обѣдящих нас прости, Гóсподи, Человеколюбче. Благотворящим благосотвори. Брáтиям и срóдником нáшим дáруй ѣже ко спасѣнию прошѣния и жизнь вѣчную. В нѣмощих сущия посети и исцѣлѣние дáруй. Ёже в мóри упрáви. С путешѣствующими спутешѣствуй. Служáщим и мѣлюющим нас, грехóв оставлѣние дáруй. Заповѣдавших нам, недостóйным, молѣтися о них, помѣлуй по велицей Твоеѣ мѣлости. Помяни, Гóсподи, прѣжде усóпшия отцы и брáтию нáшу, и упокой я, идеже присещáет свет лицá Твоегó. Помяни, Гóсподи, брáтий нáших пленѣнных и избáви я от всѣакого обстоѣния. Помяни, Гóсподи, плодоносящих и добродѣлающих во святѣх Твоѣх цѣрквах, и даждь им ѣже ко спасѣнию прошѣния и жизнь вѣчную. Помяни, Гóсподи, и нас, смиренных и грѣшных и недостóйных раб Твоѣх, и просветѣ наш ум свѣтом рáзума Твоегó, и настáви нас на стезю заповедей Твоѣх. Молѣтвами Пречѣстѣя Владѣчицы нáшея Богорóдицы и Приснодѣвы Марѣи и всех Твоѣх святѣх. Ёко благословѣн еси во вѣки веков. **Аминь.**